

一九一二年十一月

第 184 号 至 213 号

政府公報

(影印本)
第七册

中國第二歷史檔案館整理編輯
上海書店出版
南京古籍書店發行
華東工學院教學服務中心影印

中華民國元年十一月初一日星期五第一百八十四號

印 鑄 局 發 行

北京東長安牌樓王府井大街
電話東局二百零一號

政府公報

本報價目

- 一 本報按照陽歷每日出報一號
- 一 定購三月者收回大洋二元三毛
- 一 定購半年者收回大洋八元
- 一 外埠購報每年加郵費洋一元
- 一 如送報夫役私自加價請告知本局以便查究是為重要
- 一 定購一月者收回大洋八毛
- 一 定購半年者收回大洋四元五毛
- 一 零售每號銀元五枚以本日為限
- 一 裝訂每月收回大洋一毛五分不裝訂者聽

目錄

命令

部令

教育部部令
農林部部令二則

公文

財政總長周學熙呈 大總統鑒陸軍部請購護服廠購運各
項物料投標免納稅施一案會同稅務處審商擬照向章購
運土貨免納稅釐其採買外洋貨物仍一律徵收照稅請批
示遵行文並 批

陸軍部咨山西都督請轉飭潯州入陝一路地方官查明楊克
閣下落具詳復文

蒙慶事務局呈 大總統擬加給章嘉呼圖克圖年俸銀一萬
元請批示祇遵文並 批

盛叙局呈 大總統准外交部函開擬改給前南洋廣備講武
各學堂教習古川岩太郎等勳章以彰勞績請鑒核批示文
並 批

領紅旗滿洲都統段芝貴等呈 大總統鑒本管旗印務參領
梁公中佐領著慶軍籍年老病深請予開差自願照准請鑒
核施行文並 批

吉林都督陳昭常呈 大總統據員補放吉林公倉倉官員缺
擬定正陪分別補授記名請鑒核示遵文並 批

吉林都督陳昭常呈 大總統據員補放吉林打牲烏拉探捕
頭缺擬定正陪分別補授記名請鑒核示遵文並 批

吉林都督陳昭常呈 大總統據員補放吉林打牲烏拉探捕
頭缺擬定正陪分別補授記名請鑒核示遵文並 批

吉林都督陳昭常呈 大總統據員補放吉林打牲烏拉探捕
頭缺擬定正陪分別補授記名請鑒核示遵文並 批

吉林都督陳昭常呈 大總統據員補放吉林打牲烏拉探捕
頭缺擬定正陪分別補授記名請鑒核示遵文並 批

公電

武昌黎副總統致 大總統電

四川省議會致 大總統暨國務院等電

直隸都督致籌備國會事務局電

籌備國會事務局覆直隸都督電

甘肅都督致籌備國會事務局電

籌備國會事務局覆甘肅都督電

內務總長致各省都督民政長電

通告

廣告

黑龍江都督朱小滄咨呈國務院道臺請河內辦理同知銀悉

被國署呼蘭府知府請請委文

河南都督張敬芳呈 大總統報明城守尉德啟假滿回任日

期文

新疆都督楊增新呈 大總統報明邊委補用都司王兆琳升

署巴里坤鎮標中營遊擊劉慶核文

新疆都督楊增新呈 大總統報明護理鎮道兼按察使銜

張紹伯任事日期文

新疆都督楊增新呈 大總統擬以補用遊擊廖正科等補替

標庫倫喇嘛島蘇營遊擊等缺請鑒核文並 批

參議院十一月十一日議事日程

財政部收到檳榔嶼國民捐總匯通告

財政部收到新加坡安善同等國民捐洋政通告

財政部收到澳洲黃榮良代募國民捐銀數通告

署庫藏事務局副總裁榮勳任事日期通告

命令

臨時大總統令

格布錫綽爾濟翊贊共和勳勳夙著茲復來京謁見特加封車臣諾們罕名號並賞坐綠圍車資予銀四千元以昭殊獎此令

中華民國元年十月三十一日

大總統蓋印 趙秉鈞署名

臨時大總統令

陳幹授爲陸軍少將此令

中華民國元年十月三十一日

大總統蓋印 趙秉鈞段祺瑞署名

臨時大總統令

交通總長呈請任命羅昌章祖傳許沐鑠劉成志梁毅方仁元陳福頤龍學競馮懿同李承翼周家義徐德培許寶芬章理綸爲僉事應照准此令

中華民國元年十月三十一日

大總統蓋印 趙秉鈞朱啓鈴署名

部令

教育部部令

各學校以八月爲學年始期業經本部於第六號部令公布在案以前各學校所招學生仍按入校時爲學年

政府公報 命令

十一月初一日第一百八十四號

之始期毋庸紛更其有現正規畫開辦或擴充級數之學校不能待至明年八月者亦准於明年正月招收新生一次但以後招生仍應按照新章以每年八月爲期倘遇有特別情事必須另定入學始期者亦須遵照第六號部令第一條第二項所定辦理以期漸歸劃一此令
中華民國元年十月二十九日 部令第二十一號

農林部部令二則

派張仁任充農政講習所學監李裕增充總務廳機要科科員吳漢餘充墾牧司邊荒科科員劉德孫充水產司河產科科員王紹曾充水產司海產科科員此令

中華民國元年十月二十八日

委任蘇常錫爲技士此令

中華民國元年十月二十九日

辦公文

財政總長周學熙呈

大總統鑒陸軍部請將被服廠購運各項物料按案免納稅厘一案會同稅務處

籌商擬照向章購運土貨免納稅釐其採買外洋貨物仍一律徵收關稅請批示遵行文並批

批

本月初四日准陸軍部咨稱本部試辦被服廠所有購運內地外洋各項物料器具按案呈請 大總統一律免納稅釐一案於九月三十日奉批據呈已悉應即照准此批等因奉此除分行外鈔錄原呈咨行查照等因到部查官用物料於前清光緒三十二年經前戶部會同稅務處奏定凡係來自外洋者統照商民貨物一律徵稅通行遵辦在案實於慎重稅務之中舉萬維持土貨之意此次陸軍部試辦被服廠請將購運內地外洋各項物料器具一律免納稅釐奉 大總統批准自係為鄭重軍需起見惟現在財政困難關稅收入保專備償還洋債賠款之用若照陸軍部所請是官物徵稅辦法從此無效凡官立公所公廠所購外洋貨物均可援以為例不特於稅課前途影響甚大即內地土貨亦必因此而立見滯銷於本國利權實有關係至鐵路材料向章雖准免稅原屬一時權宜之計且均有一定限期現正擬另行規定辦法尤不足視為定例本部與稅務處詳細籌商擬請將該部被服廠購運軍服各項物料器具仍照向章辦理凡購自內地者暫行免徵其來自外洋者仍一律徵稅以示區別而重稅課理合會同稅務處督辦胡惟德呈請 大總統批示遵行謹呈批呈悉據稱被服廠購運物件器具一律免納稅釐實有窒碍所請仍照向章辦理之處應即照准此批

中華民國元年十月三十日

大總統蓋印 趙秉鈞周學熙署名

陸軍部咨

山西都督

請轉飭

蒲州入

晉陝一路地方官查明楊克燭下落具詳見復文

為咨行事准甘肅都督咨開據羅楊氏稟稱次子克燭於光緒三十二年六月由童生入甘肅陸軍小學

堂畢業送入陸軍第三學校畢業又送保定入伍生隊肄業詎意自鄂省起義以來道梗音疏至今相距年餘毫無片紙隻字伏思去歲不見音問道路固多隔閡猶可說也而今共和告成四方底定求神問卜毫無消

十一月初一日第一百八十四號

息或者謂氏子因學堂停辦遣回籍行抵山西蒲州突遇土匪不敢前進而住於蒲者或又謂氏子念切思親由蒲前往路出陝西潼關適遇官兵不問來理而及於難者此皆外間之傳言固未可據以爲信然道已通而人音兩杳殊覺令人夢魂難安氏飲冰茹蘗守節撫子費盡心力今行年七十有四而慘遭門庭之變痛不欲生更可憐者次子身後僅有一女長子克恭亦復焦急多病後來之景況更屬不堪設想不得已籲懇都督大人轅下垂念衰朽俯准備文以次行查究係氏子克燭由保定實遣在何月日由潼關被害是否屬實等情相應咨明貴部請煩查明見覆等因到部又據羅楊氏稟稱前因懇請行查等情前來查該生於去年九月杪離堂以後情形本部無從查悉除咨行陝西都督轉飭潼關入山西一路地方官查明具詳見復外相應咨行貴都督查照轉飭潼關入山西一路地方官查明具詳見復可也此咨

蒙藏事務局呈 大總統擬加給章嘉呼圖克圖年俸銀一萬元請批示祇遵文並 批

爲呈請事竊章嘉呼圖克圖此次來京業經呈請 大總統命令加封名號從優實予在案查章嘉道行高深其贊助民國共和厥功尤偉應請 大總統批示加給年俸銀一萬元以示優待冀教有加無已之至意理合呈請 大總統批示祇遵謹呈

批據呈已悉章嘉呼圖克圖道行高深此次翊贊共和厥功尤偉應即准如所請加給年俸銀一萬元以示優待此批

中華民國元年十月三十日

大總統蓋印 趙秉鈞署名

銓叙局呈 大總統准外交部函開擬改給前南洋將備講武各學堂教習古川岩太郎等勳章以彰勞績請鑒核批示文並 批

爲呈請事准外交部函開徐紹楨函稱在前清陸軍統制任內呈由兩江總督張人駿奏請贈與江南講武堂主教日本礮兵大佐古川岩太郎等寶星一案當奉清廷批准惟時值武漢舉義此項寶星並未領給民國

統一以後該教員等時來詰問竊思該洋員等在南洋將備講武等各學堂教授有年現任江南軍職各員會列講席者十居八九水課本本至今猶稱道弗衰用特函懇查明原案如前項寶星併執照均尚存在即請補行發給如無從補發亦請轉呈 大總統比照前清批准寶星等級改贈民國勳章以昭信用等語查前項寶星係於前清宣統三年七月二十六日由前外務部議准咨行內閣制誥局頒發在案現既據該教員等聲稱並未收到相應函請查明如此項寶星併執照均尚存在即希送交本部以便轉交收領並希見復等因到局查南洋將備講武各學堂教習古川岩太郎等應得各項寶星經前清內閣制誥局於宣統三年八月十六日交郵報處寄發維時南中多事道途梗阻此項寶星據稱並未收到想係途中遺失現在民國勳章令業經公布前清寶星碑雖再行補發惟該教員等教授有年勤勞卓著原函所請比照寶星等第改給民國勳章之處辦法尚無不合擬請將江南陸軍講武堂教習古川岩太郎應得三等第一寶星改給七等嘉禾章陸軍測繪學堂教習土方龜次郎池田文友等二員應得三等第二寶星改給八等嘉禾章以彰勞績而資觀感是否有當理合呈請 大總統鑒核批示遵行謹呈

批據呈已悉應准如擬辦理此批

中華民國元年十月三十日

大總統蓋印 趙秉鈞署名

鑲紅旗滿洲都統段芝貴等呈 大總統據本管旗印務參領兼公中佐領耆慶稟稱年老病深請予開

差自應照准請鑒核施行文並 批
為呈請事竊據本管旗印務參領兼公中佐領耆慶稟稱年近七旬不時喘嗽呈請開去一切差使俾資調治等情前來查該員年若尚深歷次給假調治竟未就痊據呈請予開差確係實在情形自應照准所遺差缺俟另揀合格人員請補理合具文呈請 大總統鑒核施行謹呈
批據呈已悉應即照准此批

政府公報 公文

十一月初一日第一百八十四號

中華民國元年十月十八日

大總統蓋印 趙秉鈞段祺瑞署名

吉林都督陳昭常呈 大總統 補放吉林公倉倉官員缺擬定正陪分別補授記名請鑒核示遵文
並批

爲呈請事案查吉林公倉倉官德裕率職一缺照章輪保放班應由通省有無品級筆帖式人員內揀放正陪各員按照前清舊例將正陪各員送部帶領引見補授一員其餘一員請旨記名歷辦在案今吉林公倉倉官德裕率職一缺已於宣統三年十月十八日由通省筆帖式人員內揀選得藍翎同知銜舒蘭站七品筆帖式廖泰當差謹慎堪以擬正盟溫站無品級筆帖式英春差使勤慎堪以擬陪例應即時送引無如彼時正值民軍起義道途梗阻故未能及時送引現雖五族共和國體已更新官制未頒定以前該員等尙有應負責任未便虛懸應請將吉林倉官一缺准以擬正之廖泰補授其擬陪之英春作爲記名除飭該員先行任事外理應具文呈請 大總統鑒核批示遵行須至呈者

批據呈已悉應即照准此批

中華民國元年十月十五日

大總統蓋印 趙秉鈞署名

吉林都督陳昭常呈 大總統 補放吉林打牲烏拉探捕驍騎校員缺擬定正陪分別補授記名請

鑒核示遵文並批

爲呈請事案查吉林打牲烏拉探捕驍騎校權綬魁祿林長壽等四員先後據報開遣之缺現擬仍照舊制揀放俾專責成茲將驍騎校權綬遣缺揀放該處探捕鑲黃旗包衣延祥管領下委驍騎校順成擬正探捕正白旗包衣都慶佐領下委驍騎校郭興阿擬陪驍騎校權綬遣缺揀放探捕鑲紅旗包衣德秀佐領下委驍騎校統慶擬正探捕鑲紅旗包衣穆特佈佐領下委驍騎校魁明擬陪驍騎校祿林遣缺揀放探捕正黃旗包衣

崇勳佐領下委驍騎校崇林擬正採捕正紅旗包衣雲佈佐領下委驍騎校春德擬陪驍騎校長壽遺缺揀放採捕正藍旗包衣舒薩額佐領下委驍騎校雙祿擬正採捕正白旗恒琛管領下委驍騎校惠新擬陪等情自應仍照前章覓其送部所有擬陪人員仍請給予記名俟有驍騎校缺出再行照章揀補除將該員等履歷另案咨部外所有揀選擬正陪驍騎校人員是否有當理合具文呈請 大總統鑒核批示遵行謹呈

批據呈已悉應即照准此批

中華民國元年十月二十六日

大總統蓋印 趙秉鈞段祺瑞署名

吉林都督陳昭常呈

爲呈請事案查佈爾圖庫邊門筆帖式祥雲故遺一缺當由應補人員內揀選得吉林滿洲鑲紅旗景貴佐領

下補用筆帖式熙雍當差勤慎堪以補放除札飭外爲此呈請 大總統鑒核施行須至呈者

批據呈已悉應即照准此批

中華民國元年十月十九日

大總統蓋印 趙秉鈞署名

黑龍江都督宋小濂咨呈國務院遵委訥河直隸廳同知鍾丞毓調署呼蘭府知府請備案文

爲咨選事案據民政司呈稱竊照呼蘭府知府王守順存請假遺缺查有知府用訥河直隸廳同知鍾丞毓堪

以調署除牌示並檄飭遵照暨分行外理合呈報都督鑒核備案等情據此除批示並分行外相應備文咨呈

鈞院請煩備案謹此咨呈

中華民國元年十月初八日

河南都督張鎮芳呈 大總統報明城守尉德啟假滿回任日期文

政府公報 公文

十一月初一日第一百八十四號

爲呈報事案據城守尉德啟詳報伊父於中華民國元年九月初五日在京病故當經給假二十一日回旗治喪假滿回營所遺印務委正副旗滿洲佐領永祥護理日期業已呈報在案茲據該尉詳報喪務完竣已於九月二十七日回省接印任事詳請核辦前來除分咨外理合呈請 大總統鑒核施行謹呈
中華民國元年十月十五日

新疆都督楊增新呈 大總統報明遵委補用都司王兆琳升署巴里坤鎮標中營遊擊請鑒核文

爲呈明事竊照署巴里坤鎮標中營遊擊蔡崇善奉調歸甘肅任用遺缺查有補用都司王兆琳堪以升署除委任並飭取該員履歷清冊咨部查照外相應呈明 大總統鑒核謹呈

新疆都督楊增新呈 大總統轉報護理鎮迪道兼提法使銜張紹伯任事日期文

爲呈明事案據正任莎車府知府護鎮迪道兼提法使銜張紹伯申稱竊照本護司於中華民國元年八月初三日奉都督牌示飭赴護理鎮迪道兼提法司篆務遵即於中華民國元年八月二十五日接印任事所有到任日期理合備文申請鑒核查考等情到本都督據此除分咨外理合呈明 大總統鑒照施行須至呈者
新疆都督楊增新呈 大總統擬以補用遊擊廖正科等補督標庫爾喀喇烏蘇營遊擊等缺請鑒核文

並批

爲呈明事竊照督標庫爾喀喇烏蘇營遊擊錢廣漢已經調歸甘肅任用遺缺查有正任阿克蘇鎮屬喀喇沙爾營中軍馬隊守備補用遊擊廖正科樓實耐勞習熟營務堪以升補遵遣喀喇沙爾營中軍馬隊守備員缺查有補用遊擊馬致和精力強固奮發有爲堪以借補除飭取該員等履歷清冊另行咨部查照外相應呈請 大總統鑒核謹呈

批據呈已悉交陸軍部查核辦理此批

中華民國元年十月二十六日

大總統蓋印 趙秉鈞段祺瑞署名

公電

武昌黎副總統致 大總統電

大總統鈞鑒頃因省長不宜民選事由元洪領銜浙江朱都督主稿復得蘇皖直豫川魯晉陝甘奉吉黑桂各省都督暨川晉民政長贊同特聯銜電致參議院其文曰省制草案案議以來省長問題歧爲三說一主人民選舉一主總統委任一主省議會選舉候補二人請總統簡任其一最後之說登庸省長之實權操諸省會質言之間接之民選也今聞政府撤回原案擬踵步舊制分作兩種機關一任官治一任自治官治者仍由總統委任政府此舉亦所以調和民選問題夫圖始不慎必有後憂立法不善難以行行瑞等熟審民選之弊期期以爲不可敢拘所知爲諸君子痛切陳之夫聯邦國列邦之長由人民選舉美利堅瑞士是也單一國各省之長由總統委任法蘭西智利是也蓋一邦之長爲代表代表乃人民所推戴必由選舉本意是爭於共和一省之長爲官吏官吏乃總統之屬員不由委任政策將何以貫通吾國既非聯邦則各省行政之長是爲官吏宜委任不宜選舉夫復何言更以事實論之省長民選必起黨爭甲擁其魁乙彈其後即不去位亦或坐困弊一省長民選必爲本省之人親戚交游近在咫尺趨炎希寵易與爲非弊二光復以後省自爲政扶植中央是爲愈務若省長各由民選則中央與地方弛其維繫之道庸暗者漠視政府桀驁者割據一方二十餘省之瓦解翹足可待弊三國家多事之秋非強有力之政府不足以轉危故集權之說已成輿論若省長民選乃地方集權最力之口坐致政府徒擁虛名無術振作弊四省長爲本省所選之人往往私其一省忽於全局各省貧富懸殊協款苦有先例若此界彼疆不相調劑貧瘠之省或涸而踣弊五省長民選則其負責之處對於省會者爲多對於總統者絕少但爲省會贊同之人即梗中央之命總統亦無如之何以下陵上呼應不靈行政系統乃如散沙弊六各省開明之區政治能力每苦孱弱選舉之制尙難利行邊遠之民相去倍蓰放蕩權利猶屬無知名曰民選不副其實擁戴長官成蠱斷弊七即此七弊觀之民選省長在在自速其滅亡苟能捨而去之採用委任之制則於理論事實兩得其平固不易之良法也乃或謂省長委任恐釀中央專制不知監督

政府公報 公電

十一月初一日第一百八十四號

省長既有省議會省長委任由於總統監督總統又有國會專制之弊其何以萌況縮短總統任期及法定不得三次連任杜漸防微其道良多何必過憂也或又謂省長委任反於共和之精神不知共和精神即主權在民之一端主權在民者謂國家最高權一發軔於議會立法一贊之準繩固如此若任免官吏之在行政之一方者與是何涉故法之省長雖由總統委任毫末不畔於共和其故可深長思也瑞等以為省制問題無論取法何國均無不可總之民選之制有百弊而無一利委任之制有百利而無一弊貴院職司立法一言可以興邦必能博稽外制詳審國情造民國前途之福諒就管見所及繼續上陳尙祈協力主持以維大局民國幸甚謹電呈覽伏乞察核元洪有印

四川省議會致 大總統暨國務院等電

大總統國務院參議院鈞鑒國民擔負租稅監督行政議會代表人民對待官廳無論中央地方同此普通法理川省議會成立最晚外則地方秩序未復內則官廳信用未孚縮省樞者無全局之識攝縣符者有自利之謀本會以國基未固省將何屬民心未定政豈能行本願全大局之心為維持現狀之計民政長咨交法律章程數十案本會酌要擇議數案餘皆候中央規定民政長咨交概算支款千餘萬本會撥出解款四百萬元期以固中央經濟至於徵收租稅準上年體卹人民務社中飽原本此意主持羣言是以川省人民雖多激烈而共守和平八十日中屢瀕解散而卒忍終始本會方謂代表人民誠難免咎心而維持官廳庶可告無罪矣殊閉會二十餘日議案無一公佈昨始接到咨復五案惟概算一案執行之實未可深知承認之名聊堪一慰若自治章程一案因各州縣官廳與議會衝突劇烈解散議會逮捕議員之案層見迭出百事廢弛職此之由是以紛紛陳請修改暫備遵守以待中央之頒布本會遵 大總統命令將前清章程違背共和宗旨者於府廳州縣章程中變通數案暫救目前至於城鎮鄉章程不過修改名詞民政長并未查案輟謂紛歧逕電內務部取銷其蔑視議會者一又概算案中入不敷出相差至數百萬圓本會力求撙節兼各處請糾司法違法故有緩辦審判廳一案舊設者存留新添者緩辦民政長來咨取銷既稱自行裁撤數處又謂議案不免紛更是

出於民政長者無所不可出於議會者無一而可其蔑視議會者二又釐金一案前經官廳命令裁撤乃川西北業已照裁川東南命令不行仍舊徵收本會議未裁者照舊已撤者趕辦統捐以歸畫一來咨稱現辦即先統捐并以部令有准辦統捐之語是停收釐金之事在命令不在議案趕辦統捐之計合部令亦合舊章而民政長必常電財政部謂省會無議決停收之權以相玩弄其蔑視議會者三又糖捐一案舊日明徵暗捐弊端百出本會提議改良徵收方法以直接徵收為準酌定稅紀民政長咨覆章程不惟增減稅額變更辦法并混用議會議決名目直以官廳之命令爲議會之議案其蔑視議會者四本省議會法對於議案民政長可說明理由咨交覆議乃數案皆不交覆議逕行取銷是謂違背法律以私定章程冒名議案是謂詐造文書對於本會議案不日交司查核即日交司核議而終歸消滅對於各司章程不日尙屬可行即日自係實情而立予公布議會本與民政長互相對待該民政長視議會不如一司是爲蹂躪民權本會常駐議員四十三人既由各地方公舉復經衆議員票選不惟有代表人民之責兼有維持議案之權現閉會已久議員散歸議案傳播民間未見公布而公布者又與議案相反衆情惶惑馳函交責咨覆無方進退維谷且川省遠處邊陲久經變亂官專於上盜橫於下商無安行民無安居人自爲謀縣自爲計成淪雖已合併而抗力不衰軍民雖已分治而侵權迭見依自東者屢陳危悚之詞居於西者隱見憂慮之色所賴以暫安者軍隊尙知大體能隱忍以維持所恃以漸進者議員來自各方庶感通而聯結今民政長專聽左右隨意屈伸誠恐人心一去不可復收政綱一解不可復結用是公決電請裁決以便遵行四川臨時省議會謹印

臨時稽勳局致各省都督各省議會各團體各報館通電

各省都督各省議會各團體各報館均鑒頃接陝西省議會電稱國慶紀念日贈授勳位旌顯元功何以昭平尤等語又近日輿論對於賞勳亦頗疑本局參預竊維論功行賞乃大總統援據約法應有之特權本局貴卹章程草案甫定並無授官之條既不敢越俎即不應受責本局目前應辦之事注重調查俟將來各省調查會報告到齊然後開審議會議決呈請大總統核獎有功人員但茲事體大猶望大力提攜匡我弗逮務期

政府公報 公電

十一月初一日第一百八十四號

賞卹一項無濫無遺區區此心可質天日臨時稽勳局叩豔

直隸都督致籌備國會事務局電

籌備國會事務局鑒各區覆選監督駐在地點前曾電達在案查第二區幅員寥廓覆選地點稍有偏畸無論關內關外必有爭執故以平泉州地勢適中途定該處爲覆選監督駐在地茲有永遵同入田獻章谷芝瑞史履晉王慶廷等稟稱案直隸第二區投票場所定在平泉州不便有四一由永遵至該州距鐵路遠在五百里外且天寒路阻睽隔難行時有票匪出沒此道路上之不便者一二選舉法規定有酌給路費一條此屆選舉永遵二屬初選約可出千餘人若往平泉投票往返每人約需百元以千人計之共需十萬餘元此經濟上之不便者三永遵覆選投票人倍於承朝亦不得以地之適中犧牲多數人之利益此人數上之不便者四此次投票日期正值舊曆年底二十舊習相沿時多俗冗若往遠處投票放棄權利者必多此習慣上之不便者四有此種種困難於永遵選舉前途影響甚大請設法補救等因查該紳等呈請各節均係實在情形自應變通辦法以順輿情而重選政茲擬於第二區覆選地點外另設一投票分所其地點定於唐山由覆選監督委員會同永平府辦理與本所同日投票即日將票數檢齊電知覆選監督該監督將二處所投之票合算如足當選議員之額數即飭分所委員赴本區交代如選出之人不足應出議員名額由監督電知分所重行選舉其手續同前如此辦理似於變通之中仍寓維持之意此係第二區特別辦法他區不得援以爲例是否有當希迅賜核奪見覆國璋迺印

籌備國會事務局覆直隸都督電

直隸都督鑒通電悉並據永遵十屬代表谷芝瑞等敬電稱直二區覆選地點定在平泉諸多困難永遵十屬決不承認現由直督擬具變通辦法頗爲適當聞已電請貴局請一力主持等語在案議院議員選舉法第十六條覆選舉由初選當選人齊集覆選監督駐在地行之直隸覆選第二區既定平泉州爲覆選監督駐在地依法自應由各初選當選人齊集該地舉行覆選若於覆選監督駐在地外另設一投票所則是顯與法文

違背且該代表等所稱不便四端雖不無片面理由惟衆議院議員覆選係取大選舉區制遼遠省分初覆選區域相距有在十數程者來電既稱永遠距平泉僅五百里比較各省覆選區實不能謂爲最遠來電又稱天寒路阻及時值舊歷年底人多俗冗等語此項情形又豈獨該處爲然直隸省應選出衆議院議員四十六名初選當選人爲議員額之五十倍計全省應選出初選當選人二千三百人永遠各屬似不致竟如來電所稱有千餘初選當選人之多總之覆選投票地點自應以適中爲宜然分設兩投票所不惟與法定手續不符而按諸事實如開票檢票及再行投票等項尤有種種困難本局一再審核電稱各節實屬困難照准如不得已只有改定覆選監督駐在地之一法惟此係選舉總監督權限究竟該區以何地爲適宜應否改定希由尊處詳察各初選區情形妥酌辦理仍即見覆本局備案此覆籌備國會事務局艷印

甘肅都督致籌備國會事務局電

籌備國會事務局鑒外省人住居選舉區二年以上其年納稅額及不動產價值與法定資格相合而所納之稅所置之產均在原籍但有其他方法證明者於住居區內是否有選舉權乞迅示遵趨惟照叩沁印

籌備國會事務局覆甘肅都督電

甘肅都督鑒沁電悉衆議院議員選舉法第四條所規定選舉資格但以有國籍而住居本選舉區者爲限此外資格法律上並無以本省爲限之明文則凡納稅及不動產自可不限於本區但以在國內而又能有其他方法證明即得有選舉權前據湖南吉林兩省電問前因即係照此解釋登載公報在案希查照籌備國會事務局叩印

內務總長致各省都督民政長電

各省都督民政長鑒巧電請由各省選舉總監督轉飭各初覆選監督按照前發通告原文並連同十月初八日所奉大總統令分別編成白話淺說分送民間一面派員分途演說等因昨接甘肅都督漢電稱巧電悉前貴總長通告電文當經飭公報局刷印多張並由照擬定白話告示一併分發各初覆選舉區剴切曉諭在

十一月初一日第一百八十四號

案甘肅人民程度尙未發達不知鄭重公權經此番勸導後近來迭據各初選監督報告選舉人名總數或數百人或數千人秦州一處且多至一萬二千餘人未始非文告之效力茲奉來電當再分別文電轉行各初選監督迅即派員分途演說務使人人遍曉以副大總統及貴總長慎重選舉之至意等語足見尊重權利人有同情甘肅地方僻遠風氣素稱銅蔽一經啟發即羣知選舉權之可寶可貴其餘交通便利之地人材薈萃之區風聲所樹何獨不然各省接到前次巧電當已分別飭知遵照茲據甘督電稱前因尤望各總監督錄電再飭各初選監督切實奉行務使人民權利不至放棄庶將來國會成立可得良好之結果焉事關要政特此電達內務總長勅印